

al papa, le sue terre havemo in Puia, non si impazemo più con el duca di Milan nè con il duca de Ferrara, et de danari si sarà d'acordo et vol ducati milia. Et fo fato notar tutto per lezerla al Conseio. Nè dice più voler la Signoria sii con Soa Maestlà contra il Turco.

Da Verona, fo lettere di sier Francesco Foscari podestà, sier Hironimo Zane capitano, sier Zuan Dolfin proveditor zeneral, de primo. Manda avisi del Boldù capitano del lago. Et il marchese di Mantova fin do zorni se dovea mover come capitano de l'imperator, et venir sora i lanzinech, et ha fato far cride che tutti portano le so robbe et animali in le terre et castelli.

Fu posto, per li Consieri et Cai di XL, che sier Justinian Contarini, è proveditor sopra l'imprestado de Gran Conseio, possi venir in Pregadi fin San Michiel non metando ballota, et fu presa. Ave: 125 di si, 36 di no, 2 non sinceri.

Fu posto, per li Savi, sier Piero Orio, sier Almorò (*Jacomo*) Dolfin patroni a l'Arsenal, hessendo spirà la parte, fu presa 1527 a di 18 avosto, poder condur lane de Fiandra per terra pagando el terzo del nolo a l'Arsenal, et molti mercadanti ha richiesto sia perlongata, pertanto sia preso che la parte predita sia perlongà ancora per do anni, et tanto meno quanto andarà le galie de Fiandra. Fu presa. Ave: 174, 6, 3.

- 14 Fu posto, per li Savi del Conseio et terra ferma, una parte di far do proveditori sora i danari, quali siano cassieri *ut in ea*. La copia sarà qui avanti. Et sier Vicenzo Capello el consier, eletto governador in armada, andoe in renga, dicendo laudava far li do sora i denari, nominando sier Francesco Contarini che ben si ha portado, ma che'l voleva dir esser stà fato per gratia non per soi meriti governador in armada, acetado volentieri, ancora che lassa le sue facende, et è in ordine, ma dandoli 15 milia ducati è pocho al bisogno di l'armata, vol haver 1000 homeni, vol biscoti per do mexi almen a galie 50, vol monition perchè l'armata è mal in ordine, et non si vol partire fin non li sia provisto del danaro da poter far etc., con altre parole di questa substantia. Et vene zoso di renga. Andò la parte. Fu presa. 195, 5, 1.

Fu posto, per i Savi tutti, che'l sia scritto al capitano zeneral de mar, che venendo le galie di viaggi Baruti et Alexandria de li a Corfù per andar al suo viazo, et atuto li avisi si ha da Marseia per letere di 11, qual mandemo la copia, che si arma alcune nave et galioni per andar in corso, *etiam*

se dice l'armada cesarea dia venir in Golfo, per tanto volemo col Senato, tutta via con segurtà di l'armada, parendoli farle acompagnar con qualche numero di galie, lo fazi, aziò possino andar securamente. Et fu presa.

Fu posto, per li Consieri, Cai di XL et Savi: zà più anni havendo servito capo di stratioti a Traù Hettor Renesi, et se ha portà ben, apar per lettere de proveditori de Dalmatia Trivixan et Molin i quali li creseteno provision de ducati 5 fin 12, per tanto sia preso che li sia confirmà *ita* che l'habbi provision per paga ducati 10 a page 3 a l'anno a la camera di Vienza, et andando in Levante habbi page 4 a l'anno. 172, 9, 7.

Scurtinio di do provedadori sora i danari con pena, iusta la parte presa.

† Sier Francesco Contarini fo savio a Terra ferma, qu. sier Zaccaria el cavalier	157. 32
† Sier Filippo Capello fo consier, qu. sier Lorenzo, qu. sier Zuan procurator	145. 44
Sier Vicenzo Michiel fo governador di l'intrade, qu. sier Nicolò dottor cavalier procurator	68.122
Sier Hironimo Querini fo al luogo di Procurator, qu. sier Piero	102. 90

2 Provedadori a l'Arsenal.

Sier Giacomo Corner fo cao del Conseio di X, qu. sier Zorzi cavalier procurator	98. 98
Sier Hironimo Querini fo al luogo di Procurator, qu. sier Piero	84.106
Sier Zuan Moro fo luogotenente in la Patria, qu. sier Damian	108.101
Sier Nicolò Pasqualigo è di la Zonta, qu. sier Vetor	61.139
† Sier Tomà Mocenigo fo cao di X, di sier Lunardo procurator, qu. Sere-nissimo	114. 79
Sier Agustin da Mula fo cao del Conseio di X, qu. sier Polo	109. 84
† Sier Hironimo Justinian procurator, fo savio del Conseio	118. 77
Sier Gasparo Malipiero fo savio del Conseio, qu. sier Michiel.	96. 97
Sier Polo Valaresso fo cao del Conseio di X, qu. sier Ferigo	55.138